

# ეროვნული გზური

რედაქცია (ლია 9-2 და 5-7).

საგაზეთო მასალა უნდა იყოს დაწერილი გარკვეულად და ერთ გვერდზე. დაუბეჭდავ წერილებს რედაქცია არ ინახავს. მისამართი: ქუთაისი, თფილისის ქ., ფინხაძის სახლი. ფოსტის ადრესი: ქუთაისი ფოსტის ყუთი № 80.

კანტონი (ლია 9-2 და 5-7).

გაზეთის ფასი: ერთი თვით 50 მან. 3 თვით 130 მ. განცხადების ფასი: სტრიქონი პეტიტისა პირველ გვერდზე 3 მ. უკანასკნელზე 2 მ. სამგლოვიარო განცხადება: საშუალო ზომისა თითოჯერ 75 მ., 12 საათის შემდეგ 100 მ.

კვირას, 14 დეკემბერს, თეატრ „მინიატიურის“ დარბაზში დანიშნულა ეროვნულ-დემოკრატიული პარტიის

## საზოგადო კრება.

მოხსენებებს სხვა და სხვა საკითხებზე გააკეთებენ: კომიტეტის თავმჯდომარე ალ. თორაძე, გაზ. „ჩვენი ქვეყნის“ სარედაქციო კოლეგიის წევრი ვ. წერეთელი, და საბჭოს ფრაქციის თავმჯდომარე ტრ. ჯაფარიძე. ამის შემდეგ მოხდება ქალაქის კომიტეტის წევრების არჩევნები.

ღრმით დამწუხრებული შეილები: მიხეილ და მარიამი, დები: სონია, ლიზა და როზა; ძმები: მიხეილ, დავით, იოსებ, სიმონი და აბრამი ღრმა მწუხარებით აუწყებენ ნათესავთ და ნაცნობთ, ხანგრძლივ ავთომყოფობის შემდეგ

## კასრა (ნსაპ) მიხეილის კა მოუხიჯვილის

სახუმში გარდაცვალებას, ჩამოსვენების დღე ცალკე იქნება გამოცხადებული. (1-1).

## განცხადება.

ქუთაისის ქალაქის გამგეობა მოუწოდებს ქვემო ჩამოთვლილ სავაჭროებისა და სამრეწველოების პატრონებს გამოცხადდნ გამგეობის დარბაზში თავიანთ წრიდან კომისიების ასარჩევათ, რომელთაც დაევალება ქალაქის საბჭოს მიერ მიღებული სანიტარული გადასახადის გადამხდელზედ გაწერა (იხ. საქ. ქალ. და მზრ. ერობ. სსსარგ. ერთდრ. სანიტ. გადას. შემ. დეკრეტის მე-2 მუხლი) გაწერა უნდა მოხდეს ქვემო აღნიშნულ რიცხვიდან ორი კვირის განმავლობაში. უკეთუ რომელიმე დარგი უარს განაცხადებს გადასახადის განაწილებაზე, ან მათ მიერ განაწილების ნორმებს ქალაქის გამგეობა არ დაეთანხმება, მაშინ თვით გამგეობა განაწილებს თავის მოსაზრებით გადასახადს, რომელიც გადამხდელებს უღაოთ გადახდება.

11 დეკემბერს, დღით ხუთშაბათს, 1 საათზე.

1. ბამბით და მატყლით სავაჭროები, საბნის მკერავები და გადამკვრელები (იხ. ОЙЩИКЪ).
2. ბეჭდების და შტემპელების სახელოსნოები.
3. გამომკრელები (закройщикъ), ევროპული ტანსაცმელის მკერავები და თერძები.
4. დალაქები და პარიკმახერები.
5. ადგილობრივი შალით მოვაჭრენი.
6. ზეინკალი, ხარატი, იარაღის სახელოსნო, კავკასიური მალაზია და მკალავები.

12 დეკემბერს, დღით პარასკევს, 1 საათზე.

7. თამბაქოს მალაზია.
8. კარტნიკი, მჭედელი, ნალბანი და შორნიკი.
9. კარსეტების და ქალის შლიაბების, მოდის და ქუდების სახელოსნო.
10. ცივი სასმელებით სავაჭრო.
11. კუბოს მალაზია და სტოლიარების სახელოსნო.
12. მექანიკური და ელექტრონული სახელოსნო.

15 დეკემბერს, დღით ორშაბათს, 1 საათზე.

13. სავაჭრო და სამრეწველო შენობების პატრონები.

ქალაქის გამგეობა.

## დღიური.

მოხალისეთა არმიამ ქრისტეშ. 2-ს დაატყვევა გაგრისკენ მიმავალი საქართველოს ხომალდი „ქოროხი“. საქართველოს საგარეო საქმეთა მინისტრმა ეს ამბავი ნოტიო აუწყა მოკავშირეთა მისიების წარმომადგენლებს და საქართველოს წარმომადგენლობას ევროპაში. ხმები, თითქოს შეიღებანი ბოლშევიკებთან მოლაპარაკებას აწარმოებდეს, არ გამართლდა.

რუსეთის საბჭოთა მთავრობის მე-7 ყრილობამ დაადგინა, ანტანტასთან საზავო მოლაპარაკება განაგრძოს.

გერმანულ კომუნისტების კონფერენციაზე ფრაქციული განხეთქილება მოხდა.

გალიცია ავტონომიურ რესპუბლიკად გამოცხადდა.

ჰუნგრეთი საზავო კონფერენციაზე მიიწვიეს.

გამოქვეყნდა გერმანული საბუთები ომის დაწყების შესახებ.

დენიკინის ბრძანებით, რუს ოფიცრებმა აზერბეიჯანის ჯარის ნაწილები უნდა დასტოვონ.

## ოპსპურანტიზმი.

„ერთობამ“ ალიაქოთი ასტეხა (იხ. 7 დეკემბ. „ერთობის“ მოწინავე წერილი).

ფრანგები ამბობენ: მადა ჰამის დროს იღვიძებსო. სწორეთ „ერთობაზე“ გამოჭრილი ეს ნათქვამი.

ეროვნული დემოკრატია სასტიკსა და სისტემატიურ ბრძოლას აწარმოებსო, სჩივის „ერთობა“ და მის წინააღმდეგ ყველა ძალების თავმოყრაა საჭიროო.

საოცარი კია „ერთობის“ მიერ წამოყენებული ბრალდება: ეროვნულ-დემოკრატის სწადია სოციალისტური მმართველობა ბურჟუაზიული მმართველობით შესცვალოსო.

მაგრამ ჯერ ერთი, „ერთობის“ ტერმინოლოგია პირწინდა დემაგოგიურია. ეროვნულ-დემოკრატის სწადია შესცვალოს სოციალისტური მმართველობა არა ცალმხრივის, ბურჟუაზიულის, არამედ ეროვნულ-დემოკრატიული მმართველობით.

და, მეორე, რომელ პოლიტიკურ პარტიას არა სწადია თავისე თავის გააღიერება?

„ერთობა“ ფიქრობს: რა კი ისტორიამ დამოუკიდებლობის პირველ ხანაში სოციალ-დემოკრატია გააბატონა, ამ პარტიასვე უნდა შერჩეს ბატონობაო.

ირაკლი წერეთელიც ხომ ამბობდა: საქართველო ან სოციალ-დემოკრატიული იქნება, ან სულ არ იქნებაო.

მაგრამ ეს—შეტად ცალმხრივი შეხედულობაა.

მიხედ-მოიხედეთ, „ერთობელეზო“, და დარწმუნდებით, რომ ქვეყნად უცვლელი არა არის-რა.

და დროა შეეჩვიოთ აზრს, რომ სოციალ-დემოკრატის მმართველობა დროებითია.

და ნუ გგონიათ, რომ უთქვენოთ ქვეყანა დაილუპება.

აი, მაგალითად, საფრანგეთში სოციალისტები დამარცხდნ, როგორც საპარლამენტოს, აგრეთვე სამუნიციპალო არჩევნებში.

გერმანიაში სოციალ-დემოკრატიული სამინისტრო კრიზისის განიცდის და, უეჭველია, ახალი რეინსტაგის არჩევნებში სოციალისტები დამარცხდებიან.

აპრილი ახლოს არის და ყველაფერს დაგვანახვებს.

ავსტრიაში სოციალისტური სამინისტრო უკვე გადადგა.

ამერიკის შეერთებული შტატებისა და ინგლისის შესახებ ხომ ლაპარაკი მეთია: იმ ქვეყნებში სოციალისტებს არაოდეს არა ჰქონათ ძალა.

მაშ რა გასაკვირველი იქნება, რომ საქართველოშიაც დამარცხდეს ის მიმართულება, რომელსაც საფუძვლად უტოპია უდევს.

ხალხი მუდამ სიზმარში ხომ არ იქნება? გამოფხინდება—ბუნებრივი აუცილებლობაა.

და უკვე ვხედავთ, იმის ნიშნებს, რომ ხალხი სწორის, რეალური პოლიტიკის გზაზე დადგომას აპირებს.

აუარებელმა თემმა საარჩევნო ხმა ეროვნულ-დემოკრატის მისცა.



და, უეჭველია, შემდეგ არჩე-  
ნებში ეროვნული დემოკრატია გაი-  
მარჯვებს.

მეორე მხრით, თვით „ერთობა“  
ამბობს: ეროვნული დემოკრატია შე-  
იარაღებულ გამოცდებს, ე. ი. ამ-  
ბოხების პოლიტიკას არ წარმო-  
ებსო.

მართალია და უნდა იცოდეს „ე-  
თობამ“: შეიარაღებული ამბოხება —  
სასოწარკვეთილების პოლიტიკაა, ავა-  
ნტიურაა, რომელსაც მხოლოდ ის  
პარტია მიჰმართავს, რომელსაც ხალ-  
ხის უმრავლესობა არ მიჰყვება.

იმავე დროს ამ წესით ჩაგდებუ-  
ლი უფლება ხანკალეა და უშე-  
დეგო.

და ეროვნული დემოკრატიის გა-  
მარჯვება ევოლუციური გზით წარ-  
მოიშობს.

მის მომხრეთა რაოდენობა თანდა-  
თან იზრდება და ბოლოს მთელ სა-  
ქართველოს გაუთანასწორდება. მა-  
შინ კი მმართველობა ბუნებრივად  
გადავა მის ხელში.

და განა სოციალ-დემოკრატია ხალ-  
ხის სურვილის წინააღმდეგი იქნება,  
და მართვა-გამგეობის საქმეს მაშინაც  
კი არ გაუშვებს ხელს, როდესაც ერის  
უმეტესობა ეროვნულ-დემოკრატიი-  
საკენ იქნება?!

ეს ხომ მარქსიზმის უარყოფა იქ-  
ნებოდა?!

უკეთ რომა ვსთქვათ, ეს — ბოლ-  
შევიზმი იქნებოდა, რომელსაც თან-  
მიდევნებითი, სწორი მარქსიზმი არ  
იწყნარებს.

იმავე დროს ეს იქნებოდა სამოქა-  
ლაქო ომის წარმოება.

და უნდა ვიცოდეთ: თუ კი რუ-  
სეთა დაფლითა სამოქალაქო ომში,  
საქართველოს მთლად მოსპობს: მაშ  
არაფერი ისე საშიშარი არ არის პა-  
ტარა ერისათვის, როგორც შინაური  
სისხლის მღვრელი ბრძოლა.

ამიტომ ჩვენს პოლიტიკურსა და  
ეკონომიურ ვითარებას ერთად-ერთი  
პარლამენტარული ბრძოლა შეე-  
ფერება.

პოლიტიკურ მიმართულებათ თა-  
ვისუფალი სარბიელი უნდა ჰქონ-  
დეს და, რომელიც გაიმარჯვებს —  
რასაკვირველია, მშვიდობიანი გზით  
— ძალა-უფლებაც მის ხელში უნდა  
იქნეს.

დღეს თუ სოციალ-დემოკრატიის  
ხელში მართვა გამგეობა, ხვალ შე-  
იძლება ეროვნულ-დემოკრატიის ხელ-  
ში გადავიდეს, ზეგ სხვა პარტიის  
ხელში.

ეს — ხალხის შეგნებაზე იქნება და-  
შოკიდებული.

ხალხის სურვილის შებორკვა კი —  
არადემოკრატიული, ბოლშევიკური  
დიქტატურა იქნებოდა.

ერთი რამეა აღსანიშნავი. როდესაც  
გაბატონებული პარტიის მოქმე-  
დებას ვაკრიტიკებთ, „ერთობა“ გა-  
ბოროტებით ამბობს: ეს — გაბატონე-  
ბულ პარტიას სახელს უტებს, მაშა-  
სადამე შეუწყნარებელიაო.

მაგრამ ამ ლოდიკას რომ მივყვეთ,  
სიტყვის, პრესისა და კრების თავი-  
სუფლება სრულიად უნდა მოვს-  
პოთ!..

თუ თვითოეული მოქალაქე ვალ-



შ. გომელაური.

სცენაზე ათი წლის მოღვაწეობის  
გამო ბენეფისი გადაუხადეს.

დებული იქნება, ისე იფიქროს, რო-  
გორც გაბატონებული პარტია ფი-  
ქრობს, ხომ ბოროტი დაედება აზრს,  
ხომ სრულიად მოსპობა აზრის თა-  
ვისუფლება!

და განა იქ, სადაც აზრი თავისუ-  
ფალი არ არის, კულტურისა და გა-  
ნათლების წარმატება შესაძლებე-  
ლია?!

დიდი! გაბატონებული პარტიის  
მოქმედების კრიტიკის აღკვეთა —  
ნამდვილი ობსკურანტიზმია, მურვან-  
ყრუობაა, რომელსაც ევროპაში, კი  
ხანია, ბოლო მოეღო.

ნუ თუ არ იცის ეს „ერთობამ“?!

**მოხალისეთა თავდასხმა.**

დეკემბრის 2-ს დენიკინის სამხედ-  
რო გეგმა დატყვევა საქართველოს  
ხომალდი, რომელზედაც იყო 150  
ქართველი ჯარისკაცი და 2.000 ფუ-  
თი ხორბალი.

იმავე დროს ფოთს თავს დაესხა  
მოხალისეთა სამხედრო გემი და  
უკუგდებულ იქნა ჩვენი გამანადგუ-  
რებლის — „ტარიელის“ — მიერ.

მაშ დენიკინმა საქართველოს ომი  
გამოუცხადა.

არ ვიცით, ჩაერგვიან თუ არა სა-  
ქმეში უცხო სახელმწიფოები.

მხოლოდ მათ შეუძლიათ ჩაქრონ  
ცეცხლი.

და ცხადია: ჩვენთვის ყველაზე უფ-  
რო საჭირო მათი თანაგრძნობაა.

მაგრამ შეიძლება ისეთი პოლიტი-  
კური კონიუნქტურა დაიბადოს, რომ  
უცხო სახელმწიფოებმა ნეიტრალური  
პოზიცია დაიტიონ.

მაშინ დენიკინს ჩვენი საკუთარი  
ძალით უნდა შევებათ.

უნდა ვიცოდეთ: მარტონი არა  
ვართ: ჩვენთან არიან აზერბეიჯანი  
და მამაცი მთიელები.

და, თუ კი მარტო ლეკებმაც კი  
გაუჭირვებს საქმე დენიკინს, საქართვე-  
ლო-აზერბეიჯან — ლეკეთ-საჩაჩნეთის  
შეერთებული ძალა სრულიად საქ-  
მაო იქნება, რომ მისი თავდასხმა მო-  
ვავერიოთ.

ვინც — გარემოება იცის, ეს შესა-  
ძლებლობა მისთვის ვასაკვირო არ  
იქნება: დენიკინი ბოლშევიკებმა სას-  
ტიკად დაამარცხეს. იმავე დროს მისი  
შინაური ფრონტიც დაირღვა:

ყუბანის კახაყებსა და მას შორის  
დიდი უთანხმოებაა.

დენიკინს სწადია ახლა სახელი  
საქართველო-აზერბეიჯანის დაპყრო-  
ბით მოიპოოს და ზურგი ჩვენით გა-  
იმავროს

სხვა საშუალება აღარა დარჩენი-  
ა.

ქართველებო! შაჰბაზის შემოსევა-  
ზე უარესი იქნება დენიკინის შემო-  
სევა!

ცეცხლითა და მახვილით მოსპობს  
საქართველოს!

დენიკინის აფიცრები იქადიან: სა-  
ქართველოში ქვას ქვაზედ აღარ და-  
ვსტოვებთო, ქართველ ხალხს ისე  
მოვსპობთ, რომ მისი სახსენებელიც  
კი აღარ დარჩება ისტორიაშიო!

მაშ ყველა ქართველი, ვისაც კი  
თავისი თავი, თავისი ცოლშვილი  
და სახლკარი უყვარს და თავის წი-  
ნაშართა ამაგი ახსოვს, დიდი და ბა-  
ტარა, მოხუცი და ახალგაზდა, რო-  
გორც კი შთაერობა დაუძახებს, ბრძო-  
ლის ველზე უნდა გავიდეს.

იმავე დროს ასეთ საბედისწერო ეამს,  
როდესაც ერის სიკვდილ-სიცოც-  
ხლის საკითხია გადასაწყვეტი, ყოვე-  
ლივე შინაური, პარტიული ბრძოლა  
უნდა შეწყდეს.

დენიკინთან ბრძოლაში ყველა პა-  
რტია და ყველა კლასი ერთად უნდა  
იყოს.

მხოლოდ მოღალატეობა არ უნდა  
იყოს შეწყნარებული.

მაშ მთელი საქართველო უნდა  
შერთდეს, როგორც ერთი კაცი.  
**ვასილ წერეთელი.**

**მოხალისეთა თავდასხმა  
საქართველოზე.**

(საქ. დეპ. სააგენტო)  
ხომალდის „ჭიორი“ დატყვევა მო-  
ხალისეთა მიერ.  
(მთავრობის ცნობა).

ქრისტეშობისთვის 2 ს სოხუმიდან  
გაგრის მიმართულებით გაიგზავნა ხო-  
მალდი „ჭიორი“ ბარყით, რომელ-  
ზედაც იყო 150 ჯარისკაცი და ტვი-  
რთი. მთავრობის მიერ გაგრიდან მი-  
ღებულ ცნობით ეს ხომალდი დაატ-  
ყვევა მოხალისეთა სამხედრო გემმა.  
მთავრობამ დაუკანებლივ მიჰმართა  
ლონისძიებს მომხდარ ფაქტის გამო-  
სარკვევად.

საგ. საქ. მინისტრის ნოტა.

დარწმუნდა რა, რომ ტრანსპორტი  
ნამდვილად მოხალისეთა მიერ იყო  
წყვენილი, საგარეო საქ. მინისტრმა  
ყველა მოკავშირეთა მისიების წარ-  
მომადგენლებს შემდეგი ნოტით მიჰ-  
მართა: „საქართველოს მთავრობამ  
გაგრიდან ცნობა მიიღო, რომ ქრის-  
ტეშობისთვის 2-ს მოხალისეთა არმიის  
სამხედრო გემმა ტყვედ წაიყვანა სა-  
ქართველოს ხომალდი „ჭიორი“ და  
ბარყა, რომელზედაც იყო 150 ჯა-  
რისკაცი, 2000 ფუთი ხორბალი და  
სხვა ტვირთი. ეს ტრანსპორტი მიემ-  
გზავრებოდა სოხუმიდან გაგრას. ასე-  
თნაირ მოქცევას საქართველოს მთა-  
ვრობა უყურებს, როგორც სამხედრო  
მოქმედების დაწყებას მოხალისეთა  
არმიის მხრივ საქართველოს წინააღ-  
მდეგ ვაცხადებთ რა სასტიკ პრო-  
ტესტს მოხალისეთა ასეთ ძალადობის  
წინააღმდეგ, მაქვს პატივი მოვახსენო  
თქვენს უაღმატებულესებას, რომ თუ  
ტყვედ წაიყვანილი ხომალდი ჯარის-  
კაცებითა და ტვირთით არ იქნა

უკანვე დაბრუნებული საქართველოს  
რესპუბლიკის მთავრობა პასუხს აღარ  
აგებს მოსალოდნელ შიღვიზე. სა-  
გარეო საქმეთა მინისტრმა სააგენტო  
კოჩი.

ამასთან ერთად უს. მთავრობის  
თი უწყვეტ საქართველოს წარმომად-  
გენლებს ევროპაში. როცა გამოირ-  
კვა, რომ გენ. დენიკინისგან პასუხი  
არ მოვიდა, ჩვენმა სამხედრო ფლო-  
ტილიამ ბრძანება გასცა დაეტყვე-  
ბინათ მოხალისეთა გემი. ამ ბრძანე-  
ბის ასრულებისთვის ქრისტეშობის-  
თვის 6-ს ჩვენმა ფლოტილიამ დაატ-  
ყვევა მოხალისეთა გემი. შემდეგ  
ამისა ქრისტეშობისთვის 7-ს მიღე-  
ბულ იქმნა შემდეგი ცნობა:

**გამანადგურებელ „ტარიელი“ და  
გემი „დუნაი“.**

„დღეს დილის 11 ს. 30 წ. ფო-  
თის ჩრდილო ნაპირით, 5 ვერ. მან-  
ძილზე გამოჩნდა გემი რუსულ ბაი-  
რალით, რომელიც ქალაქია რაიონს  
ათვალიერებდა. მის დასაკითხად გაე-  
დგვნა გამანადგურებელი „ტარიელი“  
გამანადგურებლის სიგნალზე რუსულ  
გემმა, როგორც გამოირკვა ნაღმი  
შეიარაღებულმა „დუნაიმ“ 75 მი-  
ლიმ. კალიბრის ორ ზარბაზნიდან  
მწყობრ სროლით უპასუხა.

გამანადგურებელ „ტარიელმა“ უპა-  
სუხა ერთი ზარბაზნით და ერთი  
ტყვიისმფრქვეველით. „დუნაიმ“ კვ-  
ლავ ესროლა ცხრამეტჯერ უშე-  
დეგოთ.

„ტარიელმა“ გააკეთა მანერა, მი-  
უახლოვდა „დუნაის“, ესროლა 25-  
ჯერ, რომელთაგან მოწინააღმდეგეს  
მოჭხედა სამი, რის შემდეგ „დუნაიმ“  
ჩრდილოეთისაკენ ნელი კურსით  
გასწია.

ნოტა მოკავშირეთა მისიებს.

ამ ცნობების მიღებისთანავე სა-  
გარეო საქმეთა მინისტრმა ქრისტეშ. 8-ს  
ნოტით ამის შესახებ აცნობა  
მოკავშირეთა მისიების წარმომად-  
გენლებს. მთავრობა იღებს სათანადო  
ზომებს რესპუბლიკის დასაცავად მოხა-  
ლისეთა ახალ ძალადობისაგან.

**ახალი აგზავნი.**

ჩვენი გაზეთი. რადგან ასოთ-ამ-  
წყობლების გაფიცვის ლიკვიდაცია  
გუშინ 12 საათზე მოხდა, ამ მიზე-  
ზით გაზეთი „ჩვენი ქვეყანა“ დღეს  
მხოლოდ ორ გვერდიანი არის. ხვა-  
ლიდან გაზეთი ოთხგვერდიანი იქნება.

სიმინდი. ქალაქის თვითმ. გამ-  
გეობამ დაადგინა შეიძინოს 6. და ვ.  
დადიანებისაგან ათასი ფუთი სიმინ-  
დი, ფუთი 190 მ. ეს ფაქცილი ქალ.  
საწყობში უნდა იქნას გადმოტანილი  
გამყიდველების ხარჯით.

ნიხრი. ქალაქის გამგეობამ 12  
დეკემბრიდან დააწესა შემდეგი ნიხ-  
რი: ა) ღორის ხორცზე 12 მ. გირ-  
ვანქაზე, ბ) ღორის ქონზე 22 მან.,  
გ) კენჭი მარილი პირველი ხარისხის  
ფუთი 70 მ. მეორე ხარისხის 50 მ.  
გირვანქა 1 მ. 50 კ., დ) დაფქვილი  
მარილი 1-ლი ხარისხის ფუთი 80  
მანეთი.

დაგუარგე ქუთაისში 15 ნოემ-  
ბერს, ქუთაისის სა-  
მეურნეო სასწავლებლის გათავების  
მოწმობა აღექვან დრე სარჯველიძის  
სახელზე. მკოვნელთ ვთხოვთ გად-  
მოგზავნოს სამეურნეო სასწავლე-  
ბელში. (1-1).

დაგუარგე ქუთაისის მაზრის სამ-  
ხედრო უფროსის  
მიერ მარიამობისთვის შოკმული  
ჯარის სათადარიგო ნაწილში გადა-  
რიცხვის მოწმობა, რომელსაც დღე-  
დან გაუქმებულათ ვაცხადებ.

კირილე კონსტანტინეს ძე სანიკიძე.  
(1-1).